



**REPUBLIKA E SHQIPERISË**  
**MINISTRIA E MJEDISIT**  
**AGJENCIA KOMBËTARE E MJEDISIT**  
**DREJTORIA E SHQYRTIMIT DHE MONITORIMIT TË LEJEVE MJEDISORE DHE VNM**

AN070420260031

Tiranë, më 22.06.2025

Komisioni 70

**DEKLARATË MJEDISORE**

Në mbështetje të Ligjit Nr. 12/2015 “Për disa ndryshime në ligjin nr. 10440, datë: 07.07.2011, “Për Vlerësimin e Ndikimit në Mjedis”, VKM 714, datë: 06.11.2019, për disa ndryshime dhe shtesa në VKM 686, datë: 29.07.2015, “Për miratimin e rregullave, përgjegjesive e afateve, për zhvillimin e procedurës së transferimit të Vendimit e Deklaratës Mjedisore”, të ndryshuar, dhe me propozim të Agjencisë Kombëtare të Mjedisit, Ministri

**VENDOSI:**

Lëshimin e Deklaratës Mjedisore për **Zhvilluesin** me të dhënat si më poshtë:

**Personi Juridik:** “VANI COMPANY” sh.p.k

**Nr. NIPT-i:** L28307901U

**Adresa e selisë:** Suç, Galeria nr.1, në "Qafë Ujk", Dibër.

**Personi përgjegjës:** Luftim Vani

Për të zhvilluar projektin: **“SHFRYTËZIM I GURIT GËLQEROR DHE PËRPUNIMI NË IMPIANTIN E FRAKSIONIMIT”**.

Aplikimi është bërë referuar ligjit Nr. 10 440, date: 7.7.2011 “Për Vlerësimin e Ndikimit në Mjedis”, Shtojca I, “Projektet që i nënshtrohen Proçedurës së Thelluar të Vlerësimit të Ndikimit në Mjedis”, Pika 19. Gurore dhe miniera sipërfaqësore, ku sipërfaqja e vendit është mbi 0,5 hektarë, ose vende për nxjerrjen e torfës, ku sipërfaqja e vendit është mbi 1 hektar.

**Vendndodhja:** Zona Minerare konkurruese nr. 214/1, Burizanë, bashkia Krujë.

**Të dhëna teknike:**

*Mbështetur në deklaratimet e AKBN-së.*

-Sipërfaqja e zones minerare konkurruese 214/1, e miratuar nga MIE me shkresë nr.6026/2 prot. date 10.11.2025 është 0.335 km<sup>2</sup>

-Sipërfaqja e zones ku parashikohet të zhvillohet aktiviteti mineral: 0.0857 km<sup>2</sup>

*(Bashkangjitur vendimit, gjeni aneksin me hartën topografike dhe koordinatat metrike, ku tregohet vendodhja e objektit)*

Bazuar në nenin 12, të ligjit nr. 10440, datë 7.7.2011, “Për vlerësimin e ndikimit në mjedis”, i ndryshuar, i sugjerohet autoritetit planifikues:

**Miratimi i lejes/licencës së zhvillimit të atij projekti, me kushtet që duhet të përmbushen nga zhvilluesi, për të parandaluar, minimizuar dhe menaxhuar ndikimet negative në mjedis;**

Bazuar në pikën 2, të nenit 12, të ligjit nr. 10440, datë 7.7.2011, “Për vlerësimin e ndikimit në mjedis”, të ndryshuar, më poshtë po listojmë:

**Ky subjekt është pajisur me Njoftim për fillim procedure në komisionin Nr.12, datë 03.02.2025 sipas mendimeve të mëposhtme.**

**1. Qëndrimin e Ministrisë dhe sipas rastit, kushtet që duhet të përmbushen nga zhvilluesi:**

Drejtoria e Ndryshimeve Klimatike shprehet si më poshtë vijon: Me qëllim mbrojtjen e cilësisë së ajrit në mjedis dhe në zbatim të legjislacionit përkatës për këtë fushë, sugjerohet që gjatë fazës së ushtrimit të aktivitetit, duhet të mbahen në konsideratë rekomandimet e mëposhtme:

- Të respektohen normat e lejuara të shkarkimeve në ajër të ndotësve të gaztë dhe lëndës së ngurtë pezull, në zbatim të VKM-së nr. 435, datë 12.9.2002 “Për miratimin e normave të shkarkimeve në ajër në Republikën e Shqipërisë”;
- Të spërkatën rregullisht me ujë rrugët e transportit, për mbajtjen nën kontroll të pluhurformimit, si dhe forcimin e zbatimit të këtyre masave edhe më shumë në kohën e thatë dhe me erë, në zbatim të VKM-së nr. 412, datë 19.6.2019 “Për miratimin e planit kombëtar për menaxhimin e cilësisë së ajrit”;
- Automjetet transportuese, të mos ngarkohen më shumë së kapaciteti i tyre mbajtës, si dhe të mbulohen me struktura të posaçme, për të shmangur përhapjen e pluhurave dhe derdhjen e materialeve që transportohen, në zbatim të VKM-së nr. 412, datë 19.6.2019 “Për miratimin e planit kombëtar për menaxhimin e cilësisë së ajrit”.

Gjithashtu me qëllim mbrojtjen e mjedisit, nëse do të ketë përdorim të lëndëve plasëse, përdorimi i tyre të bëhet në përputhje me Ligjin nr. 74/2021 “Për hedhjen në treg dhe mbikëqyrjen e lëndëve plasëse për përdorim civil”. Në zbatim të legjislacionit përkatës për fushën e ndryshimeve klimatike, sugjerohet që të kryhet rehabilitimi i plotë i sipërfaqeve të gjelbra të dëmtuara si rezultat i ushtrimit të aktivitetit.

*Drejtoria e Ekonomisë Qarkulluese shprehet:* Aplikuesi, i cili në aplikimin AN121120250087, date 12.11.2025, kërkon të pajiset me VNM praprake, duhet të përmbushen detyrimet për menaxhimin e mbetjeve, në zbatim të kuadrit ligjor në fuqi, në fushën e mbetjeve, si më poshtë vijon:

1. Të zbatohet Ligji nr. 57, date 16.10.2025 “Për menaxhimin e integruar të mbetjeve”.
2. Mbetjet që do të krijohen, të specifikohen sipas kodeve të Vendimit të Këshillit të Ministrave nr. 402, datë 30.06.2021 “Për miratimin e katalogut të mbetjeve”.
3. Të respektohen kërkesat e VKM nr. 418, date 25.06.2014 “Për grumbullimin e diferencuar të mbetjeve në burim”.
4. Të zbatohen kërkesat e VKM nr. 575, datë 24.6.2015 “Për miratimin e kërkesave për menaxhimin e mbetjeve inerte”.
5. Transferimi i mbetjeve jo të rrezikshme të shoqërohet me plotësimin e shtojcës 1 të Vendimit të Këshillit të Ministrave nr. 229, datë 23.04.2014, “Për miratimin e rregullave për transferimin e mbetjeve jo të rrezikshme dhe të dokumentit të transferimit të mbetjeve jo të rrezikshme”, të ndryshuar.

6. Mbetjet e rrezikshme, të dorëzohen sipas Vendimit të Këshillit të Ministrave nr. 371, date 11.06.2014 “Për përcaktimin e rregullave për dorëzimin e mbetjeve të rrezikshme dhe miratimin e dokumentit të dorëzimit të mbetjeve të rrezikshme”, të ndryshuar.
7. Subjekti që do të transportojë ose do të transferojë mbetjet të jetë i pajisur me licensë III.2.B, si detyrim i nenit 68, të ligjit nr. 57, date 16.10.2025 “Për menaxhimin e integruar të mbetjeve”.
8. Për të gjitha mbetjet nga ambalazhet të zbatohet Vendimi i Këshillit të Ministrave nr. 177, date 06.03.2012, “Për ambalazhet dhe mbetjet e tyre”, i ndryshuar.

Në veprimtarinë për të cilën aplikon subjekti, menaxhimi i mbetjeve të bëhet sipas parimit të përgjegjshmërisë ndaj mjedisit, në përputhje me VKM nr. 418, datë 27.5.2020 “Për miratimin e Dokumentit të Politikave Strategjike dhe të Planit Kombëtar për Menaxhimin e Integruar të Mbetjeve, 2020-2035”, duke synuar uljen e sasisë së mbetjeve të gjeneruara dhe menaxhimin e integruar të mbetjeve.

*Drejtoria e Biodiversitetit për këtë aktivitet shprehen:* Sa shprehet në raporte dhe plotësimet e dokumentacionit, vlerësojmë se:

Duke qenë se sipërfaqja e kërkuar për projektin është e madhe dhe leja është si shtesë e lejes së mëparshme, Drejtoria e Biodiversitetit shprehet se për sipërfaqet me formë (kategori) përdorimi pyll ku do zhvillohet projekti është detyrim që të kihet parasysh parashikimet ligjore të ligjit 57/2020, datë 30.4.2020 “Për pyjet”, i ndryshuar, veçanërisht pika 6, neni 10 dhe neni 12, i tij;

- Për sipërfaqet ku forma (kategoria) e përdorimit të sipërfaqes së kërkuar për projektin ndryshon, duhen ndjekur procedurat sipas VKM nr.888, datë 27.12.2022, si dhe parashtrimet konkrete për rehabilitimin e këtyre sipërfaqeve.
- Gjithashtu kërkojmë që projekti të realizohet duke e ndarë në sipërfaqe të vogla sipas një grafiku të mirataur nga Agjencia Kombëtare e Burimeve Natyrore, të realizohen punimet rehabilituese të sipërfaqeve që do përdoren për projektin

*Agjencia Kombëtare e Burimeve Natyrore shprehet:*

-Sipërfaqja e zones minerare konkurruese 214/1, e miratuar nga MIE me shkresë nr.6026/2 prot. date 10.11.2025 është 0.335 km<sup>2</sup>

-Sipërfaqja e zones ku parashikohet të zhvillohet aktiviteti minerar është 0.0857 km<sup>2</sup>

-Nuk është kryer rehabilitimi i sipërfaqes ekzistuese të shfrytëzuar, pasi aktiviteti minerar i këtij subjekti nuk ka filluar

-Zona minerare e sipërpermendur nuk ka qenë leje kerkim-zbulimi.

*Agjencia Kombëtare e Zonave të Mbrojtura shprehet se:* Bazuar në dokumentacionin në aplikim, sipërfaqja ku do të zhvillohet aktiviteti: “Shfrytëzimi i mineralit gur gelqeror, prodhimi dhe fraksionimi i produkteve minerale jometalike, Zona konkurruese, nr. 214/1, objekti Burizanë 6”, Qarku Durrës, me zhvillues dhe aplikues “VANI COMPANY”, me nr. Aplikimi AN121120250087, nuk ndodhet brenda rrjetit të zonave të mbrojtura.

*Agjencia e Menaxhimit të Burimeve Ujore shprehet se:* Referuar gjurmës së zonës që do të zhvillohet, që rezulton prej koordinatave të konturit të dhëna në Raportin Teknik të paraqitur nga ju, si edhe të dhënave për trupat ujorë sipas shtresës Hidrografia në Gjeoportalin e ASIG, rezulton se projekti i zhvillimit nuk bie ndesh me përcaktimet e legjislacionit për burimet ujore.

*Ministria e Infrastrukturës dhe Energjisë shprehet se:* Shoqëria “Vani Company” sh.p.k., është shpallur fituese (shkresa Nr.6026/2 prot MIE, datë 10.11.2025) në procedurën e konkurrimit për zonën minerare të shfrytëzimit nr.214/1, objekti i gurit gëlqeror “Burizana 6”, Krujë, Qarku Durrës.

Për sa më sipër, në zbatim të Ligjit Nr. 10304, datë 15.7.2010 “Për sektorin minerar në Republikën e Shqipërisë”, të ndryshuar, shprehem për vijimin e procedurave për pajisjen e shoqërisë së mësipërme me lejen përkatëse në funksion të veprimtarisë minerare në zonën e licencuar nga Ministria e Infrastrukturës dhe Energjisë, në rast të plotësimit të dokumentacionit të kërkuar.

*Agjencia Rajonale e Mjedisit Tiranë, Durrës, Dibër* sugjeron mbajtjen në konsideratë dhe zbatimin me rigorozitet të masave të listuara më poshtë për parandalimin dhe minimizimin e ndikimit në mjedis:

- Të zbatohen me rigorozitet masat e parashtruara në këtë raport VNM-je dhe të kryhen punimet sipas përcaktimeve në të.
- Kamionat transportues të gurit gëlqeror të jenë të pajisura me bordura mbrojtëse dhe me mushama për të shmangur rënien aksidentale të gurit dhe përhapjen e pluhurave. Të pastrohen gomat e makinave kur të dalin nga territori.
- Të zbatohen standardet dhe praktikatat më të mira gjatë përdorimit të lendeve plasese. Punëtorët të pajisen me kufje për mbrojtjen nga zhurma.
- Të përdoren sprucator për të shmangur përhapjen e grimcave të pluhurave si pasoje e shpërthimeve gjatë shfrytëzimit të gurit gëlqeror.
- Ujerat e gjeneruara gjatë fazës së ndërtimit të trajtohen sipas Ligjit Nr.29/2024, “Për burimet ujore”.
- Të parashikohen masat për parandalimin dhe shuarjen e zjarreve në rast aksidentesh.
- Të zbatohet orari sipas legjislacionit në fuqi për lëvizjen e automjeteve, për të shmangur vibrimet dhe zhurmën në zonat e banuara.
- Në të gjitha rastet që do të ketë ndërhyrje në mjedis do të duhet të ruhet vegjetacioni si edhe bimësia karakteristike zonale duke mos dëmtuar në asnjë rast peizazhin natyror të zonës së marrë në studim.
- Në rastet se gjatë venies në zbatim të projektit dhe funksionimit të tij do të verëhet prania e flores dhe e faunës të cilat janë specie të rrezikuara ose endemike të tregohet kujdes i veçantë për të mos dëmtuar ato.
- I gjithë territori i shfrytëzimit të rrethohet me rrjete për të parandaluar hyrjen e kafsheve të zonës.
- Të sigurohen pajisje personale mbrojtëse për punëtorët për të minimizuar rreziqet e mundshme që kanosen

*Bashkia Tiranë shprehet:* Referuar aplikimit të shoqërisë “VANI COMPANY” shpk, Bashkia Krujë shprehet dakort për ushtrimin e aktivitetit sipas emailit të dërguar në institucionin tonë. Sipërfaqja ku propozohet për ushtrimin e këtij aktiviteti është fond pyjor në pronësi të bashkisë Krujë në parcelën 106 të ekonomisë pyjore Krastë Krujë.

## **2. Informacion për procesin e realizuar të konsultimit me publikun:**

*Konsultimi me publikun:* I mbajtur sot më datë 18/06/2026, bazuar në Autorizimin me Nr. 760 Prot., nga specialistet e Sektorit të Lejeve Mjedisore dhe VNM, me vendndodhje objekti "Burizana 6" Krujë, Qarku Durrës, u rizhvillua konsulta me publikun e organizuar nga subjekti Vani Company shpk për projektin “Shfrytëzimit i mineralit gur gëlqeror, Prodhimi dhe fraksionimi i produkteve minerale jo metalike”. Në këtë dëgjese, ishin të pranishëm:

-Përfaqësues të Bashkisë Krujë;

- Kryeplaku I zones;
- Banore te zones;
- Eksperti i mjedisit;
- Perfaqesues te subjektit;
- Perfaqesues te ARM-se;

Takimi u hap nga eksperti mjedisit, z. Adhurim Caushi i cili shpjegoi fillimisht se Shoqndria “VANI COMPANY”, ka marre pjese ne konkurimin per fitimin e se drejtes per leje minerare shfrytezimi per zonen konkuruese nr, 214/1 ne objektin e gurit gelqeror Burizana Kruje eshte shpallur fitues dhe me ane te shkreses nr. 6026/2 Prot, date 10.11.2025 te MIE-s eshte dhene e drejta te aplikojte prane Qendres Kombetare te Biznesit per Leje Minerare shfrytezimi me karriere, per grupin e mineraleve ndertimor me kushtet e lejuara per zonat e hapura.

Në vijim, eksperti u ndal në aspektet mjedisore të aktivitetit, duke theksuar ndikimet e mundshme që mund të gjenerohen gjatë fazës së shfrytëzimit, si emetimi i pluhurave nga punimet e gërmimit, ngarkim-shkarkimi dhe qarkullimi i mjeteve, niveli i zhurmave dhe vibrimeve nga përdorimi i makinerive minerare, si dhe ndikimet e mundshme në relievin dhe peizazhin e zonës. Për secilin prej këtyre elementeve janë parashikuar masa konkrete për parandalimin dhe minimizimin e ndikimeve negative në mjedis.

U sqarua se për kontrollin e pluhurave do të kiyhet lagia periodike e rrugëve të brendshme dhe e sipërfaqeve të ekspozuara, do të kufizohet shpejtësia e lëvizjes së mjeteve dhe do të mirëmbahen rregullisht pajisjet e përdorura në aktivitet. Për reduktimin e zhurmave dhe vibrimeve do të përdoren makineri që plotësojnë standardet teknike përkatëse, ndërsa operacionet e punës do të zhvillohen brenda orareve të përcaktuara, duke shmangur shqetësimet për banorët e zonës.

Gjithashtu, u prezantuan masat për menaxhimin e mbetjeve të krijuara gjatë aktivitetit, kontrollin e rrjedhjeve të mundshme të hidrokarbureve nga mjetet dhe pajisjet, si dhe masat për mbrojtjen e tokës dhe ujërave sipërfaqësore.

U sqarua gjithashtu se për këtë projekt është zhvilluar më parë një dëgjese publike, në të cilën pjesëmarrësit e pranishëm kanë shprehur dakordësinë e tyre për vijimin e aktivitetit dhe nuk kanë paraqitur ankesa, kundërshtime apo vërejtje lidhur me projektin e propozuar. Megjithatë, gjatë verifikimit të dokumentacionit të paraqitur, u konstatua se një pjesë e pjesëmarrësve kishin plotësuar të dhënat përkatëse në formularët e konsultimit, por nuk kishin hedhur firmën e tyre në dokumentacionin shoqëruar. Për këtë arsye, Agjencia Kombëtare e Mjedisit vlerësoi të nevojshme rizhvillimin e dëgjesës publike, duke pasur rezerva mbi dokumentacionin e mëparshëm për shkak të mungesës së disa nënshkrimeve. Gjatë kësaj dëgjese të përsëritur, pjesëmarrësit konfirmuan edhe një herë qëndrimin e tyre pozitiv ndaj projektit dhe nuk shprehën ankesa apo kundërshtime për vijimin e aktivitetit.

### **3. Arsyet dhe konsideratat kryesore, ku është mbështetur mendimi;**

Zhvillimi i aktivitetit është në përputhje me:

- Në mendimin e anëtarëve të Komisionit 70, datë 22.06.2026, i mbledhur në zbatim të Urdhërin nr.15, datë 20.01.2026, për “Krijimin e komisionit teknik për shqyrtimin e kërkesave që i nënshtrohen procedurës paraprake dhe të thelluar të vlerësimit të ndikimit në mjedis”.
- Shkresen nr 6026/2 Prot, date 10.11.2025 nga Ministria e Infrastrukturës dhe Energjisë per me lende Njoftim Fituesi.
- Shkresën nr.12357/1 prot, datë 08.01.2026, nga Agjencia Kombetare e Burimeve Natyrore;

- Njoftimin për fillim procedure në komisionin Nr.13, datë 27.01.2026.

4. **Përshkrimin, sipas rastit, të masave kryesore që duhen marrë për të shmangur, reduktuar e nëse është e mundur, për të korrigjuar efektet negative të rëndësishme:**
- 4.1 **Ky objekt të ndërtohet në përputhje të plotë me Planin e Përgjithshëm Vendor dhe Planin e Detajuar Vendor, të miratuar nga organet kompetente (KKT / Bashkia / Njësi Administrative) dhe akteve ligjore dhe nënligjore në fuqi.**
- 4.2 Ky vendim nuk është leje zhvillimi përfundimtare për zbatimin e këtij projekti, por është një dokument i cili lëshohet me kusht që në rast se do të zhvillohet ky aktivitet, duhet të zbatohet kushtet e vendosura si detyrim që vjen nga Ligji Nr. 10431, datë 9.6.2011 “Për Mbrojtjen e Mjedisit”, si dhe Ligji nr. 10 440, datë 07.07.2011 “Për Vlerësimin e Ndikimit në Mjedis”, të ndryshuar, KREU I, Neni 1, Pika a); KREU II, Neni 7, Pika 1; KREU V, Neni 20, Pika 1.
- 4.3 Në rast se gjatë punimeve shfaqen elemente të tillë si: objekte kult, gjurmë arkeologjike, burime ujore etj, subjekti të ndërpresë punimet dhe të lajmërojë urgjentisht organet kompetente.
- 4.4 Deklarata mjedisore është e vlefshme pas heqjes së sipërfaqes së shfrytëzimit nga fondi pyjor. Sipërfaqja e shfrytëzimit të ndahet në sipërfaqe më të vogla, dhe heqja nga fondi pyjor të bëhet me faza sipas akteve nënligjore në fuqi për shfrytëzimin minerar.  
Për sipërfaqet që janë të zhveshura nga bimësia (sepse sipërfaqja e kërkuar ka ripërtëritje të mirë) duhet marrë me parë miratimi i AKBN-së dhe ndërhyrja të bëhet sipas një grafiku ndërhyrjeje në to, kjo duke patur parasysh parashikimet ligjore të ligjit 57/2020, datë 30.4.2020 “Për pyjet”. si dhe për arsye të rehabilitimit pjesor dhe zbutjen e ndikimit negativ që kanë karrierat e shfrytëzimit minerar në mjedis.
- 4.5 Në bazë të Ligjit Nr. 81/2017, “Për Zonat e Mbrojtura”, nga zbatuesit e projektit të merren masa që mos të dëmtohen zona me status të vecantë.  
**Gjatë fazës së instalimit:** Të vendoset sinjalistika paralajmëruese përgjatë gjithë segmentit të punimeve me qëllim shmangien e aksidenteve njerëzore.
- 4.6 Të instalohet sistemi i eliminimit dhe kapjes së pluhurave, nëpërmjet sprucimit me ujë. (Ky sistem, të detajohet qartë me skica, planimetri etj në aplikimin për Leje Mjedisore)
- 4.7 Të kontrollohen kushtet teknike të mjeteve të punës në mënyrë periodike për të evituar, parandaluar rrjedhjet e lubrifikantëve e të hidrokarbureve në mjedis, emetimin e gazeve të shkaktuara nga avari teknike të mjeteve të subjektit.
- 4.8 Të respektohet distanca nga rruga, gjatë fazës së instalimit dhe kryerjes së punimeve, sipas legjislacionit në fuqi.
- 4.9 Përdorimi i pajisjeve, automjetet, që emetojnë nivele zhurmash brenda normave të lejuara të emetimit 60 – 100 db.
- 4.10 Subjekti të realizojë në mënyrë të menjëhershme çdo ndërhyrje teknike për të riparuar çdo fenomen negativ në mjedis si pasojë e veprimtarisë së tij.
- 4.11 Të sistemohen brenda sipërfaqes së shfrytëzimit të gjitha sterilet e gjeneruara nga shfrytëzimi i karrierës.
- 4.12 Në raste aksidentesh ose defektesh teknologjike që shkaktojnë ndotje të mjedisit, subjekti menjëherë duhet të jap informacion në ARM-në e qarkut përkatës dhe AKM, të cilat bëjnë të mundur njoftimin e popullatës që preket nga ky aksident.
- 4.13 Subjekti të hartojë dhe zbatojë një plan masash lidhur me masat e parandalimit dhe shuarjen e zjarreve në rast aksidentesh nga plasjet për nxjerrjen e materialit.
- 4.14 Të mbillen pemë në të gjithë perimetrin e zonës për të minimizuar ndikimet në mjedis dhe përmirësuar pejsazhin.

- 4.15 Subjekti të kujdeset për menaxhimin e mbetjeve të krijuara gjatë fazës së instalimit, sidomos ato të ambalazhimit, duke i transportuar në mënyrë të rregullt në vend grumbullimet e caktura nga njësia vendore. Zotëruesit e mbetjeve inerte duhet të zbatojnë detyrimet që janë të përcaktuara në VKM nr.575, datë 24.06.2015 “Për miratimin e kërkesave për menaxhimin e mbetjeve inerte”.
- 4.16 Përgjatë gjithë rrugës së brendshme të karrierës (përfshi transhetë), të hapet një kanal ujëmbledhës i orientuar drejt një grope dekantimi, për mbledhjen dhe disiplinimin e ujërave gjatë kohës së shfrytëzimit.
- 4.17 Të bëhet pastrimi i mjeteve të punës para daljes nga kantieri i ndërtimit për të mos shkaktuar ndotje në mjedis.
- 4.18 Të merren masa për mbrojtjen e biodiversitetit të zonës.
- 4.19 Të kihet kujdes treguesit kadastralë të sipërfaqes pyjore/kullosore që do të përdoret për aktivitetin, të jenë vetëm brënda sipërfaqes së miratuar.
- 4.20 Personi përgjegjes teknik për zhvillimin e aktivitetit duhet të jetë i informuar për bazën ligjore të pyjeve në fuqi dhe për zbatimin e tyre.
- 4.21 Mbetjet që gjenerohen nga procesi i punimeve të trajtohen në përputhje me legjislacionin në fuqi, për Menaxhimin e Integruar të Mbetjeve.
- 4.22 Të bëhet kontrolli i kushteve teknike në mënyrë periodike të mjeteve të punës, për të evituar, parandaluar rrjedhjet e lubrifikanteve dhe hidrokarbureve në mjedis, emetimin e ndotësve në gaz të shkaktuara nga avari teknike të mjeteve.
- 4.23 Të merren masa të sigurimit teknik që punimet të mos kryhen në oraret e papërshtatme dhe mbi normat e lejuara të zhurmave, si dhe të zbatohet Udhëzimi nr.8, datë 27.11.2007 “Për nivelet kufi të zhurmave në mjedise të caktuara”, i ndryshuar.
- 4.24 Të përdoren automjete të mbuluara (të mbyllura ose të mbuluara me mbulesë të posaçme) për transportin e materialeve të thata.
- 4.25 Pastrimi i bimësisë të jetë i kufizuar vetëm brenda kufijve ku do të zhvillohet projekti.
- 4.26 Pas përfundimit të fazës së punimeve, sugjerojmë rehabilitimin e plotë të sipërfaqeve të lira dhe krijimin e sipërfaqeve të gjelbërta, përreth objektit.
- 4.27 Subjekti të respektojë kushtet lidhur me mbrojtjen e biodiversitetit, menaxhimin e pyjeve, emetimet në ajër, shkarkimet e ujërave të ndotura, menaxhimin e mbetjeve etj.
- 4.28 Subjekti të respektojë dhe të mbajë parasysh kërkesat dhe kriteret e Ligjit Nr.81/2017 “Për Zonat e Mbrojtura”.
- 4.29 Subjekti të marrë masa për rehabilitim e sipërfaqes së shfrytëzuar.
- 4.30 Kompania duhet të respektojë gjithashtu kushtet e vendosura në raportin e VNM-së të aplikuar si dhe Ligjin Nr. 10 431, datë 9.6.2011 “Për Mbrojtjen e Mjedisit”.
- 4.31 Në përfundim të punimeve, të rehabilitohet zona e shfrytëzuar.
- 4.32 Duke qënë se gjatë fazës së funksionimit, ky aktivitet do të ketë efekte në mjedis, në bazë të Ligjit Ligi nr. 52/2020, datë 30.4.2020 “Për disa ndryshime në ligjin nr. 10 448, datë 14.7.2011, “Për lejet e mjedisit”, të ndryshuar.

## 5. Monitorimi dhe Raportimi

Në bazë të Ligjit Nr. 128/2020 Për disa ndryshime dhe shtesa në Ligjin Nr. 10440, datë: 07.07.2011, “Për Vlerësimin e Ndikimit në Mjedis”, të ndryshuar, Neni 25/1 “Monitorimi dhe vlefshmëria”, zhvilluesi ka detyrimet si më poshtë:

### - Zhurma dhe Vibracionet

- Të zbatohen nivelet kufi të zhurmës, referuar Udhëzimit Nr. 8, date 27.11.2007 “Për nivelet kufi të zhurmave në mjedise të caktuara” dhe Ligjit Nr.9774 date 12.07.2007 “Për vleresimin dhe administrimin e zhurmës në mjedis”
- Të merren masa për mbrojtjen e punonjësve nga zhurmat.
- Të merren masat për kufizimin e orareve të punës në kantier.
- Operatori duhet të parandalojë gjenerimin e zhurmës impulsive në zonat e ndjeshme ndaj zhurmës, gjatë operimit të instalimeve.
- Vibrimet në vende të ndjeshme nuk duhet të kalojë 10 mm/s (PPV) në çdo kohë.
- Të bëhet monitorimi i zhurmave për mjediset: automjete/kamiona në hyrje të kantierit, kantier ndërtimi dhe mjedisi urban më i afert me kantierin çdo 6 muaj.

| Mjedisi                                 | Vlera kufi e zhurmës dB(A) Leq, T Ditë | Vlera kufi e zhurmës dB(A) Leq, T Mbrëmje | Raportimi në AKM | Periodiciteti |
|-----------------------------------------|----------------------------------------|-------------------------------------------|------------------|---------------|
| Automjete/kamiona ne hyrje te kantierit | 55                                     | 45                                        | 23.12.2026       | Çdo 6 muaj    |
| Kantier ndertimi                        | 55                                     | 45                                        | 23.12.2026       | Çdo 6 muaj    |
| Mjedisi urban me i afert me kantierin   | 55                                     | 45                                        | 23.12.2026       | Çdo 6 muaj    |

*Tabela e niveleve kufi:*

**- Shkarkimet në Ajër**

- Të zbatohen nivelet kufi të shkarkimeve në ajër, referuar Ligjit Nr. 162/2014 “Për Mbrojtjen e Cilësisë së Ajrit në Mjedis” dhe VKM Nr. 248, datë: 24.03.2003 “Për Miratimin e Normave të Përkohshme të Shkarkimeve në Ajër dhe Zbatimin e tyre”.
- Shkarkimet në ajër të jene brenda normave të lejuara, duke marre masa për reduktimin e tyre.
- Kantieri në të cilin emetohen lëndë grimcore në ajër, duhet të pajiset sipas mundësive teknike dhe mbi bazën e natyrës së procesit, me rrjeta uji / sisteme spërkatje / sisteme heqje pluhurash.
- Të bëhet monitorimi i nivelit të pluhurave në ajër, për mjediset: kantier ndërtimi dhe mjedisi urban më i afert me kantierin çdo 6 muaj.

*Tabela e niveleve kufi*

| Ndotësi                             | Përqëndrimi                                    | Raportimi në AKM | Periodiciteti |
|-------------------------------------|------------------------------------------------|------------------|---------------|
| Lënda grimcore (PM <sub>2.5</sub> ) | 20-25 µg/m <sup>3</sup>                        | 23.12.2026       | Çdo 6 muaj    |
| PM <sub>10</sub>                    | 50 µg/m <sup>3</sup> ,<br>40 µg/m <sup>3</sup> | 23.12.2026       | Çdo 6 muaj    |

**- Cilësia e ujrave**

*Parametrat që duhet të monitorohen*

| Ndotësi           | Përqëndrimi | Raportimi në AKM | Periodiciteti |
|-------------------|-------------|------------------|---------------|
| Lëndët në pezulli | 50 mg/l     | 23.12.2026       | Çdo 6 muaj    |

- Subjekti duhet të sjellë pranë AKM-së si më poshtë:

- Informacion në momentin e fillimit të punimeve.
- Informacion për menaxhimin e mbetjeve inerte. Zotëruesit e mbetjeve inerte duhet të zbatojnë detyrimet që janë të përcaktuara në VKM nr.575, datë 24.06.2015 “Për miratimin e kërkesave për menaxhimin e mbetjeve inerte”, dhe transporti të kryhet nga subjekte të licensuara, të pajisura me Kod Unik.
- Raportimin periodik për parametrat që do të monitorohen sipas datës së raportimit/çdo 6 muaj.
- Informacion në përfundim të punimeve, lidhur me punimet rehabilituese të territorit përreth, shoqëruar edhe me foto.

**- Afati i Vlefshmërisë**

- Vendimi për Deklaratë Mjedisore për projektin e propozuar është e vlefshme për atë kohë sa është i vlefshëm edhe dokumenti i miratimit të zhvillimit për projektin.
- Nëse projekti, që i është nënshtruar procesit të VNM-së, nuk fillon zbatimin në terren brenda 2 vjetëve nga data e miratimit të deklaratës mjedisore apo të vendimit për VNM-në paraprake, atëherë këto dokumente konsiderohen të pavlefshme dhe procesi i VNM-së fillon nga e para.

*Në bazë të udhëzimit të MM dhe MF nr. 7938, datë 17.7.2014 “Për përcaktimin e tarifave dhe vlerave përkatëse për shërbimet që kryen Ministria e Mjedisit për procesin e VNM-së”, ky subjekt ka kryer pagesën 50.000 lekë.*

**DREJTOR I PËRGJITHSHËM**

**MARJETA PËRLALA**

**MINISTRI**

**SOFJAN JAUPAJ**

# Aneksi 1. Harta me Koordinatat sipas AKBN



